



## МЕСЯЦА ОКТЯБРЯ В 1-Й ДЕНЬ

### Покрѡв Пресвятѣя Владѣчицы нашея Богородицы и Приснодѣвы Маріи НА МАЛОЙ ВЕЧЕРНИ

Стихиры самогласны, глас 1, на 4:

**Н**а Вышних Престѡлех почиваяй Един Бог, / превыше земных подал есть видети Своему угѡднику, / пребожественней рѣце молебну простирающу, / о граде и о людех молящюся Тебѣ, Владѣчице. / Покрый и ныне, Господже, / нас омофором милости Твоея.

Град, почитающий Тя и по долгу славящий, / покрываеши, Пречистая, Твоим омофором честным / от нахождения противных, от глѡда же и труса, и междоусобныя брани, / Дѣво Неискусобрачная, Богоневѣсто, / человеков покрѡв и заступлѣние.

Палата одушевленная Христова, / верным же стена, и покрѡв, и держава, / Тобою град Твой, Богомати, спасается, / Твоею помощію праввернии венчаются, / Тобою, хвалящися прѣсно, победы на поганья нѡсят: / покрываеши бо омофором милости Твоея.

Слава, и ныне, глас 6:

Приидіте, празднѡлюбных собори, / Пресвятую Дѣву воспѡим: / днесь бо Ангели со святѣми празднуют / честный Покрѡв Божія Матере / и к похвалѣнію нас, земных, призывают / вопіти

непрестанным гласом: / радуйся, Църкве чўдное украшєние / и всемў мїру предївный покрѳв. / Радуйся, вєрным посѳбие на бранех и воїном соблюденїе; / радуйся, покрѳве и заступленїе наше: / Тебє бо христіанскїй род непрестанно блажит.

На стиховне стихиры, глас 2.

Подобен: Дѳме Евфрафов:

Слава на Небесех и на землї весєлие, / яко Царїца со всеми святыми / за вся ны в църкви мѳлится.

Стих: Слыши, Дщи, и виждь, / и приклони ўхо Твое.

Приидите, вєрнии, во святую църковь: / тамо бо Богородица омофѳром покрываєт люди / от всех напастей вражїих.

Стих: Лицў Твоемў / помѳлятся богати людстїи.

Пречїстая Богородице, / не забуди нас, Твоїх рабѳв, / но за ны молись, вєрою поюция Тя.

Слава, и ныне, глас 3:

Приидите, вси празднѳлюбцы, / честнїй Покрѳв Божїя Матере ублажим: / к Сынў бо рўце мїлостивно простре, / и святым Покрѳвом Ея мир огражден бысть. / Темже усты и сєрдцем / и пєсньми и пєнии духовными / со всеми притекающими праздноим свєтло.

Тропарь, глас 4:

Днєсь благовєрнии людие свєтло праздноуем, / осеняєми Твоїм, Богомати, пришєствїем, / и к Твоемў взирающе пречїстѳму ѳбразу, умїльно глаголем: / покрїй нас честнїм Твоїм Покрѳвом / и избави нас от всякаго зла, / молящи Сына Твоего, Христа Бога нашего, / спасти дўши наша.

И отпўст.

#### НА ВЕЛИЦЕЙ ВЕЧЕРНИ

Блажен муж: антифон 1. Стихиры Покрова на 4, аще престол на 8, глас 1.

Подобен: О дивное чудо:

О великое заступленїе / печальным еси, Богородице Чїстая, / скѳрая Помѳщнице, / спасєние мїра и утверждєние, / мїлости пучїна, Бѳжїя мўдрости истѳчнице, / мїру покрѳв; / воспоєм,

вѣрнии, свѣтлый омофóр Ея, / хвáляще неизречѣнно: / Обрáдованная, рáдуйся, с Тобóю Госпóдь, / подай ми́ру Тобóю вѣлию мѣлость.

**Дѣвнѣй** проречѣ Исáия: / бѣдет бо, речѣ, в послѣдняя дни / я́ве горá Госпóдня и дом Госпóденъ верху́ горы; / увидѣхом же, Влады́чице, / о Тебе и́стинное сбытѣе, / гóры бо и хóлми украсѣшася мно́гоименѣтыми церквáми Твоих прáздников. / Тем вѣсело вопиѣм Ти: / Обрáдованная, рáдуйся, с Тобóю Госпóдь, / подай ми́ру Тобóю вѣлию мѣлость.

**О** чѣдное украшѣние всем вѣрным еси, / прорóческое и́стинное сбытѣе, / апóстолом сла́ва и мѣчеником удобрѣние, / дѣвству похвалá и всему ми́ру предѣвнѣй покрóв. / Покрѣй, Влады́чице, омофóром мѣлости Твоея́ вся лѣди, вопиѣющия: / Обрáдованная, рáдуйся, с Тобóю Госпóдь, / подай ми́ру Тобóю вѣлию мѣлость.

**Ины стихиры, глас 4.**

**Подобен: Я́ко дóбля:**

**Я́ко** Богонаса́жденный рай / и мѣсто Живóтнаго дрѣва, напáяемо Дѣхом Свѣтым, / Тебѣ, Богорóдице, свѣдуще, / Творцá всех рóждшую, / Живóтным Хлѣбом вѣрныя питáюща, / Емуже о нас с Предтѣчею мо́лися, / честным омофóром покрывáющи лѣди от всѣкия напáсти.

**Освѣщáется** Нѣбо и земл́я, / Цѣрковь же свѣтится, и лѣдие вси веселѣются: / се бо Мáти Бóжия / со А́нгельскими вóинствы, с Предтѣчею и Богослóвом, / с прорóки же и апóстолы, невѣдимо вшѣдши, / за христиáны мо́лится Христѣ́ помиловати град и лѣди, / слáвлящия То́я Покрóва прáздник.

**Добрóту** Тя Иáковлю / и лѣствицу Небесную, / по нѣйже Госпóдь снѣде на зѣмлю, / тех же тогда обрáзи / Твою́ честь и славу, Богорóдице, проявля́ху. / Тя, Рóждшую Бога всех, / блажáт Небѣснии А́нгели и земнѣи челóвѣцы, я́ко за весь мир мо́лишися, / покрывáющи мѣлостью / Твой честнѣй совершáющих прáздник.

**Воссия́** днесь рáдостный прáздник / всечестнáго Покрóва Бóжия Мáтере: / днесь бо Царѣ́ца и Влады́чица всех, / рѣце свои простѣрши к Сѣ́ну

Своему, мо́лится приле́жно, / прося́щи ми́ра  
ми́рови, / покрыва́ющи лю́ди от находя́ения ино-  
пле́менных омофо́ром ми́лости Своея / и, Тобо́ю  
хва́лящися, побéды на сопроти́вныя про́сят / пок-  
рыва́ющися омофо́ром человеколю́бия Твоего́.

Слава, и ныне, глас 8:

Сра́дуются с нами ўмная вся чинонача́лия, /  
духо́вно совоку́плше чу́вственный лик, / ви́дяще  
Цари́цу и Влады́чицу всех / многоимéнно ве́рны-  
ми сла́виму; / ра́дуются же и ду́си пра́ведных, /  
су́щии зрите́лие видéния / на возду́се моле́бно  
протира́ющу всечестне́и Свои ру́це, / прося́щу  
умирéния ми́ру и спасéния душ наших.

Вход. Прокимен дне. И чтения:

Бытия чтение (глава 28):

Изы́де Иа́ков от студенца кля́твеннаго и йде в  
Харра́нь. / И обре́те ме́сто и спа та́мо, за́йде бо  
со́лнце. / И взят от ка́менья ме́ста того́ и положи́  
возгла́вие себе, / и спа на месте оном, и сон ви́де: /  
и се ле́ствица утвержде́на на земли, ея́же глава́  
досяза́ше до Небéс, и Ангели Божии восхожда́ху  
и низхожда́ху по ней, / Господь же утвержда́шися  
на ней и рече́: / Аз Бог Авраа́мов, отца твоего, и  
Бог Исаа́ков, не бойся; / земля, иде́же ты спи́ши  
на ней, тебе́ дам ю́ и се́мени твоему. / И будет  
се́мя твое, яко песо́к земный, / и распростра́нится  
на мо́ре и ли́ву, и се́вер, и на восто́ки, / и  
возблагословя́тся о тебе́ вся ко́лена земна́я и о  
се́мени твоём. / И се Аз с тобо́ю, сохраня́яй тя на  
вся́ком пу́ти, а́може аще по́йдеш, / и возвра́щу  
тя в землю сию, яко не ймам тебе оставити, /  
дóндеже сотворити Ми вся, елика глаголах тебе. /  
И воста́ Иаков от сна своего и рече́: / яко есть  
Господь на месте сем, аз же не ве́дех. / И убоя́ся,  
и рече́: / яко стра́шно ме́сто сие, / несть сие, но  
дом Божий и сия врата́ Небесная.

Пророчества Иезекиилева чтение (главы 43—44):

Та́ко глаго́лет Господь: / будет от дне осма́го и  
прóчее, / сотворят иереи на олтари́ всесожже́ния  
вашего, и яже спасéния ва́шего, и приму́ вы,  
глаго́лет Адонай Господь. / И обрати́ мя на путь  
врат свя́тых вне́шних, зря́щих на восто́ки, и сия  
бяху затворéнна. / И рече́ Господь ко мне́: / врата

сия затворена будут и не отверзутся, / и никтоже пройдет сквозь их, / яко Господь Бог Израилев пройдет ими, и будут затворена. / Яко Игумен сядет в них снести хлеб, по пути Еламских врат внидет и по пути его изыдет. / И введе мя по пути врат святых, сущих к северу, прямо храму, и видех, / и се исполнь славы храм Господень.

Притчей чтение (глава 9):

Премудрость созда себе дом и утверди столпов семь. / Закля своя жертвенная и растворит в чаше своей вино, и уготова свою трапезу. / Посла своя рабы, созываючи с высоким проповеданием на чашу, глаголющи: / иже есть безумен, да уклонится ко мне. / И требующим ума рече: / приидите, ядите мой хлеб и пейте вино, еже растворих вам. / Оставьте безумие, и живи будете, / и взыщите разума, да поживете, и исправите разум в ведении. / Наказуяй злыя, приимет себе безчестие: / обличаяй же нечестиваго, опорочит себе, обличения бо нечестивому, раны ему. / Не обличай злых, да не возненавидят тебе, / обличай премудра, и возлюбит тя. / Даждь премудрому вину, и премудрший будет; / сказуй праведному, и приложит приимати. / Начало премудрости—страх Господень, и совет святых—разум: / разумети бо закон, помысла есть благаго. / Сим бо образом многое поживеши время, и приложатся тебе лета живота.

На литии стихиры, глас 3:

Наста днесь пресветлый праздник, Пречистая Дево, / честнаго Твоего Покрова. / Паче солнца освещаеши люди, / верою от чиста сердца Тебе Истинную Матерь Божию исповедающия / и Сыну Твоему вопиющия: / Христэ Боже, молитвами Приснодевы, / чисто и без исления рождшия Тя, / не предаждь врагом ратующим Твое достояние, / но яко Милостив спаси в мире души наша.

Глас 4:

Хваление Тебе, еже по достоянию, / людие Сына Твоего, Пречистая Владычице, / желающе воспети, но не возмогут. / Всегда бо всех верных

заступаеши / и покрываеши честным Твоим Покровом, / и молишися спастися всем, / верою Тебе Чистую и Истинную Богородицу почитающим.

Глас 2:

Пренепорочную всех Царицу, Пречистую Деву, / сошедшея, вернии, днесь ублажим, Матерь Христа Бога: / присно бо к Сыну рuce милостивно простирает. / Юже и предивный Андрей виде на воздухе, / честным Своим Покровом люди покрывающую, / и Той умильно возопийм: / радуйся, покрове и заступление, / и спасение душам нашим.

Слава, и ныне, глас тойже:

Смысл очистивше и ум, / со Ангелы и мы торжествуем, / светло начинающе Давидскую песнь Отроковице, / Невесте всех Царя Христа Бога нашего, / воскресни, Господи, глаголюще, в покой Твой, / Ты и кивот святыни Твоея: / яко бо палату красну, Сию украсив, / и причте Ю граду Твоему, Владыко, / стробити и покрывати от сопостатных поган / державною силою Твоею, молитвами Ея.

На стиховне стихиры, глас 2:

Яко всех вышши сущи Небесных и земных, / Херувим славнейши и всея твари честнейши, / Тебе, Заступницу и покров державен, / христианскому роду Христос дарова / покрывати и спасати люди согрешшия, / к Тебе притекающия. / Темже прибегнище всем, Тебе воспеваем, Владычице, / и честный праздник Твоего Покрова празднуем светло, / Христа моляще даровати нам велию милость.

Глас 5:

Стих: Слыши, Дщи, и виждь, / и приклони ухо Твое.

Воспойм, людие, светло Давидскую песнь / Отроковице Невесте, / Божии Матери всех Царя Христа: / предста Царица одесную Тебе, Владыко, / рясны златыми одеяна и преукрашена Божественными лепотами. / Сию бо, избранную в женах, / паче всего мира удобрив, / благоизволи родитися от Нея, / великия ради милости, / и Сию

Помощницу людем Своим дарова́/ стрóбити и покрывáти от всякия беды рабы Своя,/ Ед́ину Благословенную.

Глас 7:

**Стих:** Лицú Твоему́/ помóлятся богáтии лю́дстии.

Горá еси вели́ка и преслáвна,/ пáче горы Сина́йския, Богорóдице:/ она́ бо, не терпя́щи снítия Славы Божия во óбразе и сéнех,/ огнём возгарáшеся, и грóми и мóлния тáмо бы́ша./ Ты же всего́ в Себе Божéственнаго Огн́я сýщи,/ Бóжия Сло́ва во чрéве неопáльно носíла еси,/ мáнием нося́щаго вся,/ и, мáтерне дерзнове́ние к Нему́ имúщи,/ помози́, Влады́чице, ве́рно прáзднующим/ Твой честный прáздник/ и не забúди, мýлостивно посещáющи:/ прия́ла бо еси от Бога дар стрóбити/ и покрывáти христоименíтое Твое ста́до, рабы Твоя.

Слава, и ныне, глас 2:

**Яко** венце́м пресвётлым, Всечы́стая Богорóдице,/ Покрóвом Твоим честным Цёрковь Божия приодéяся/ и светится, раду́ющися, днесь,/ и та́йно ликовству́ет, Влады́чице, вопи́ющи Тебе:/ раду́йся, одея́ние честное и вéнче Бóжия славы;/ раду́йся, Ед́ина славы соверше́ние и вéчное весéлие;/ раду́йся, к Тебе притека́ющим пристáнице, и избавле́ние,/ и спасéние наше.

Ины стихиры, глас 2.

Подобен: Дóме Евфра́фов:

Дóме Евфра́фов, палáто Царя Небéснаго,/ всёму мýру покрóве/ и по́мощь наро́ду нашему́.

Гра́де Бóжий Небéснаго Царя́,/ покрый град Свой/ покрóвом мýлости Твоея́, Богорóдице.

**Всех** проро́к йстинное сбытиé,/ Ты еси, Богорóдице,/ покрый нас омофо́ром мýлосердия Твоего, Влады́чице.

**Все** упова́ние мое/ на Тя возлага́ю, Мáти Бóжия,/ сохрани́ мя под кро́вом Твоим.

Таже тропарь,

глас 4: Днесь благове́рнии лю́дие:

## НА УТРЕНИ

По 1-м стихословии седален, глас 3:

Божественными сиянии Ангельских вои́нств  
обступáема / и с чини́ми проро́к и апо́стол че́стно  
слу́жбу прие́млющи, / яко Ма́ти Бо́жия, / посети́  
нас, Твоих раб, / моля́щи Христа Бога нашего /  
дарова́ти нам ве́лию ми́лость.

Слава, и ныне, тойже.

По 2-м стихословии седален, глас 6:

Безпо́мощным кре́пость Ты вои́стину, / Пречи́-  
стая Богома́ти, / отсю́ду, смире́ннии, Тобо́ю  
возвыша́емся, / о Тебе́ вы́соце держи́мся: / всем  
Ты еси́ покров / и к Богу Ходатаи́ца.

Слава, и ныне, тойже.

Величание:

Велича́ем Тя, / Пресвята́я Де́во, / и чтим Пок-  
ров Твой святы́й: / Тя бо ви́де святы́й Андре́й на  
возду́се, / за ны Христу́ моля́щуюся.

Ины величания зри на странице 43.

По полиелеи седален, глас 4:

Яко дрéвняго вои́стину пречестне́е киво́та /  
Твой пречестны́й омофо́р, па́че иле́ктра  
просвещáяся, / не веще́ственне, но духо́вне, нет-  
ле́нными Твои́ми пречи́стыми рука́ми  
простира́ем, / соблюда́ет ми́лостивно че́ствующих  
благоукраше́нный праздни́к Твоего Покро́ва,  
Влады́чице, / в о́ньже соше́дшеся, усер́дно прáz-  
днуем.

Слава, и ныне:

Приими́, Влады́чице, ве́рою притека́ющих под  
кров Твой / и не возненави́ждь мене́, / ниже́  
пре́зри, Благо́я, пока́яния боля́щаго. / Приими́  
яже от уст недосто́йных мно́гих мольбу́ / и ходá-  
тайством Своим от сетей́ мя изба́ви, / да со  
дерзнове́нием вопи́ю Ти: / раду́йся, Обра́дован-  
ная.

Степенна, 1 антифон 4-го гласа. Прокимен, глас 4: Помяну́  
Имя Твое во вся́ком ро́де и ро́де. Стих: Лицу́ Твоему  
помоля́тся богати́и лю́дстии. Всякое дыха́ние: Евангелие  
Луки, зачало 4. Псалом 50. Слава, Молитвами Богородицы:  
И ныне, тойже. Помилуй мя, Боже:

По 50-м псалме стихира, глас 8:

Сра́дуются с на́ми у́мная вся чинонача́лия, /  
духо́вно совоку́пльше чу́вственный лик, / ви́дяще



Царицу и Владычицу всех, многоименне верными славиму, / радуются же и души праведных, сущии зрителие видения, / на воздухе молебнo простирающе всечестней Свои рuce, / просящу умирения миру / и спасения душ наших.

Канон Богородицы на 6; апостола на 4  
и преподобнаго Саввы на 4. Глас 4.

Песнь 1

**Ирмос:** Отверзу уста моя, / и наполнятся Духа, / и слово отрыгну Царице Матери / и явлюся, светло торжествуя, / и воспою, радуясь, Той чудеса.

**С** чинми святых Ангел и с соборы пророк и апостол, / в славе велицей, яко Мати Божия, / днесь в церковь вшедши, за христианы молишися, / от напасти и печали избавляеши вся, / покрывающе Твоею милостию.

**С**кинию Тя Моисей и жезл Ааронов именовал: / Ты бо животное древо, Христа, процвела еси, / к Немуже дерзновение имущи, за ны, чествующия Тя, Царице, помолися / избавити нас от всякаго зла, / да Твоего Покрова праздник славим.

**Не** яко пред кивотом древле, собрав, Давид, лики, играет, / но паче ныне с чинми святых пред Тобою текуще в церковь, Тебе кланяющесе, глаголют: / моли за чествующия Тя люди, / да Твой славяще Покров, честно празднуем.

**Пою**т Тя, Богородице, Ангельстии чини, / и славят патриарси со святители пред лицем Ти, текуще в церковь. / С нимиже Ты тогда святой Андрей виде, за ны грешныя, к Богу молящуюся, / помилovati люди, славящия Твоего Покрова праздник.

Катавасия, ирмос тойже.

Песнь 3

**Ирмос:** Твоя песнословцы, Богородице, / живой и независтный источник, / лик Себе совокупльшия духовно, утверди, / в Божественней Твоей славе / венцев славы сподоби.

**К**лас прозябшая Божественный, / яко нива неоранная яве, / радуйся, одушевленная трапезо, / Хлеб Животный вмещающая. / Радуйся, Животная воды источник неистощимый, Владычице.

**Т**вои раби, Владычице, / в церкви Твоей верою

предстояще, Твоея ожидаем милости:/ посети наше смирение и Твоим святым Покровом защити люди от всякаго зла.

**Многоименитая Дѣво, / пророки проображена чѣстно, иже Тебе ныне со Ангелы служат. / С нимиже о нас к Богу молися, / да Твоего Покрова святыи день, радуящися, вси светло празднуем.**

**Гедеон Тя руно прообрази, / на Тя бо, яко роса, Христос Бог сииде, / к Немуже, Богородице, молися, победу дати воинству нашему на враги, / да яко Мадиамы низложив, прославим святыи Твой праздник.**

**Паче солнечных луч Твоим блистающим омофором освещаеши Церковь и люди / и тьму грехов наших отгониши посещением Твоим, Богородице, / к Сыну Твоему и Богу за ны молящися.**

По 3-й песни седален, глас 5:

**Тѣплая Предстательнице и непобѣдимая, / упование известное и непостыдное, / стено, и покрове, и пристанище прибегающим к Тебе, / Приснодѣво Чистая, / Сына Твоего и Бога моли со Ангелы / умирение дати миру, и спасение, / и велию милость.**

Слава, и ныне, тойже.

Песнь 4

**Ирмос: Седяи в славе на Престоле Божества, / во облаце легце, / прииде Иисус Пребожественный, / нетленною дланию, и спасе зовущия: / слава, Христе, силе Твоей.**

**Во гласех пений, Дѣво, Тебе вопиѣм, Всепѣтая: / радуйся, тучная горб и усуренная Духом. / Радуйся, свѣщнице и стамно, Манну носящая, / услаждающая всех благочестивых чувства.**

**Паче Аароня кивота всю Тя Бог освятил есть Духом, Богородице, Святым, / и Ангелом служити Тебе повеле, / с нимиже за град и люди молися, / Твой славящих честный праздник.**

**Прииди ныне в славе в Твою, Богородице, церковь с соборы всех святых, / якоже иногда Тя святыи Андрей виде на воздухе светле, за хри-**

стианы молящуюся, / и подаждь нам Твою милость.

**У**крепи, Владычице, славящее Тя воинство наше на противныя враги, / яко Давида на Голиафа; / да Тебе, веселящися, вопиём: / радуйся, покрове святыи и Заступнице граду нашему.

**Т**ебе припадаем, Госпоже, верою и, поклоняющися, благодарно вопиём Ти: / радуйся, Богоблагодатная Дево, покрове, и ограждение наше, и Помощнице в бедѣ сущим, / спаси нас, к Тебе прибегающих, на Тя бо надеемся.

### Песнь 5

**Ирмос:** Ужасошася всѣческая / о Божественней славе Твоей: / Ты бо, Неискусобрачная Дево, / имела еси во утробѣ над всеми Бога / и родила еси Безлетнаго Сына, / всем воспевающим Тя / мир подавающая.

**О**др Тя древле Соломон написа / и ложницу Небснаго Царя, обступаему Серафимы, еже о Тебе речеся, Богородице. / Тем Тя ныне молим, Мати Божия Всесвятая: / покрый нас от всех бед.

**Т**ебе Ангелов старейшины и честнии пророцы со апостолы / яко Матери Божии честно служат, / видяще Тя за мир молитву творящу; / Твоя же прошения послушав, Господь спасает град и люди, на Тя надеющиеся.

**В**еликий Ты во пророцех Исаия прорече, глаголя, Бога родити неискусобранно: / Ты бо, Чистая Марие, святѣйши всех была еси, / Бога бо во утробѣ и на руку носила еси. / Емуже за ны молися, Твоим осеняючи Покровом верою Тя славящих.

**Д**уховными паряще крылы, святых соборитайно приидоша Тебе послужити, Богородице, / видяще Тя на легце облаце славы, ко Спасу Христу молящуюся / подати победу воинству нашему, погубити воющих нас.

### Песнь 6

**Ирмос:** Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождагося Бога славим.

**И**ереи Богомудрии, в церкви Твоей с людьми благочестивыми предстояще, / Твоей ожидают, Богородице, милости: / прмени на радость нашу

печаль, Радость бо родила еси, / всех человеков грехи отпустившаго.

**Тебе** вся земля дары приносит / яко Царице Божии Матери: / архиереи кланяются и люди все веселятся, / покрываемы от всякаго зла Твоими, Богородице, молитвами.

**Гору** Тя велику Даниил пронаписа: / из Тебе бо без семени родися Христос / и сокруши всю демонскую лесь, и всю Своея веры исполни землю. / К Немуже за ны, Богородице, молися, славящая Твоего Покрова праздник.

**Ангельский** глас зываем Ти, Пречистая: / радуйся, Престоле Божий, на немже Иезекииль виде Господа в подобии человека, носима Херувимы. / С нимиже за ны, Богородице, молися, да спасет души наша.

**Кондак, глас 3.**

**Подобен:** Дева днесь:

**Дева** днесь предстоит в церкви / и с лики святых невидимо за ны молится Богу, / Ангели со архиереи покланяются, / апостоли же со пророки ликовствуют: / нас бо ради молит Богородица Превечнаго Бога.

**Икос:**

**Тоя** преславных чудес, / приидите, люди, насладимся: / Сею бо Адам от тли избавися. / Та бо и ковчег, не Ноём, но Богом сотворен бысть. / Древле убо Моисей в купине огненной Бога видети не возможе, / ныне же от Тоя Родшася вся земля знает Сына Божия, / к Немуже за ны молится. / Сего ради прославляем Ю яко Божию Матерь: / нас бо ради Богородица молит Превечнаго Бога.

**Песнь 7**

**Ирмос:** Не послужиша твари Богомудрии, / паче Создавшаго, / но огненное прещение мужески поправше, / радовахуса, поюще: / препетый отец Господь и Бог благословен еси.

**Неисписаная** многими пророки, / несведома же бысть, Дево, Небесными служащими Богу Ангелы; / ныне же все веры Тя Богородицу, / и Твоея требуем помощи и заступления, Благословенная.

**Горá, усырénная Духом, / юже Аввакум ви́де  
точáщу вёрным целéбную слáдость, Богорóдице  
Дéво, / исцелí ны, Сы́ну Твоему́ вопи́ющия: /  
благословéн Бог отец на́ших.**

**Преклонíвый Небеса́ в Тя, Дéво, всели́ся / и  
ны́не на моли́тву Твою́ зрит, Богорóдице Чíстая,  
Твое, Цари́це, исполня́я проше́ние: / Емуже́ за ны  
усёрдно помоли́ся, на Тя бо надее́мся, Благосло-  
вénная.**

**Творче, Спа́се наш, Христé Бóже, приими́  
моли́тву Твоея́ Мáтере, / юже Тебе́ за ны, греш-  
ныя, прино́сит, / да Тебé, ра́дующеся, поём: / пре-  
пéтый отец на́ших Бóже, благословéн еси.**

### Песнь 8

**Ирмос: О́троки благочестíвыя в пещí / Рождество́  
Богорóдичо спасло́ есть, / тогда́ у́бо образуемое, / ны́не же  
дéйствуемое, / вселénную всю́ воздвизáет пéти Тебé: /  
Гóспода пойте́ дела́ / и превозносите́ Его́ во вся вéки.**

**С чíнми Ангел, Влады́чице, / с честными́ и  
сла́вными проро́ки, с верхо́вными апóстола, и со  
священномученики, и со архиере́и за ны, греш-  
ныя, Бóгу помоли́ся, / Твоего́ Покрóва прáздник в  
Росси́стей земли́ просла́вльшия.**

**Горды́ню и шата́ния низложí и советы́ непра́-  
ведных разорí, / зачина́ющих рáти погубí, о  
Бóжия Мáти, Цари́це Всечестна́я, / правосла́в-  
ных рогъ́ възвы́си, да Твой прáздник сла́вим,  
Пречíстая Богорóдице Дéво, зову́ще: / Гóспода  
воспева́йте дела́ и превозносите́ Его́ во вся вéки.**

**Усты́ принося́ще Тебé пéние, и душе́ю вёрно  
покланя́емся, / ибо́ вну́трь сердца́ на́ша горя́т. /  
Мáти Бóжия Пречíстая, помíлуй нас, моля́щих-  
ся Тебé, и Гóспода воспева́ющих, / и превознося́-  
щих Его́ во вся вéки.**

**Мно́гими отягч́ихся грехí, недоуме́ю по досто-  
я́нию написáти Твоего́ Покрóва, Богорóдице,  
похвалы́, / но яко́ Мáти Бóжия украсí Твой  
прáздник чудесы́, / да вси, ра́дующеся, поём Гóс-  
пода́ и превозно́сим Его́ во вся вéки.**

### Песнь 9

**Ирмос: Всяк земнорóдный / да възгра́ется, Духом  
просвещáем, / да торжествует же́ Безплóтных умóв  
естество́, / почита́ющее́ священное́ торжество́**

Богомáтере, / и да вопиét: / рáдуйся, Всеблажéнная, / Богорóдице Чíстая Приснодéво.

**В**ысо́кий Царю, со Отцём седя́й и от Серафíм воспева́емый, / при́зри на моли́тву Ма́терню, юже Тебé за ны, грéшныя, принóсит, / и очíсти грехí нáша, спасí град, и лю́ди умно́жи, / даждь нам здравíе телесé и на погáныя побéды, моли́твами Рóждшия Тя.

**А**нгельский глас вопи́ем Тебé, Дéво Богоизбáнная: / рáдуйся, яже Ада́ма па́ки в рай ввэдшая; / рáдуйся, демоны прогоня́щи Твои́м и́менем; / рáдуйся, наде́жде христиáн; / рáдуйся, освящéние душ; / рáдуйся, Хранíteльнице гра́да нáшего.

**П**омяни́ нас во Твоих моли́твах, Госпожé Дéво Богорóдице, / да не погíбнем за умножéние грехов нáших. / Покрýй нас от всякаго зла и лю́тых напáстей: / на Тя бо упова́ем и, Твоегó Покрóва прáздник чéствующе, Тя велича́ем.

**Д**ар от Бóга прия́ла еси́ яко Ма́ти Бóжия / всех христиáн недúги исцеля́ти, и от бед избавля́ти, и грехí отпу́щати, и от пленéния спасáти и всякия нýжды. / Но и нас не прéзри, Госпожé: вéси бо, ихже трéбуем, / здравíя телесéм и душáм спасéния.

**Светилен.**

**Подобен:** Жены́, услы́шите:

**О** Пресвятáя Госпожé, Дéво Богорóдице! / Покрýй нас чудéсным Твоим омофóром, / сохраня́я град и лю́ди от всякаго зла, / якоже Тя пречúдный Андрей́ ви́де во Влахéрнстей цéркви моля́щуюся; / и ны́не нам, Госпожé, послí вели́кую Твою́ мýлость.

**На хвалитех стихиры на 4, глас 8.**

**Подобен:** О преслáвнаго чудесé:

**Т**ебé припада́ем, Госпожé, / умíльно клáняющеся, мо́лим Тя: / рáдуйся, Богоблажéнная Влады́чице, / многоименíтая Дéво, / прорóки проображéнная чéстно: / в Тя бо, яко росá, Христóс Бог снiде, / и родилá еси, Браконеиску́сная Чíстая, и на руку́ носíла еси́ всех Творца́ и Гóспода. / Емúже ны́не о нас моли́ся, / сла́влящих вéрно Твоегó Покрóва прáздник.

**Пою́т Тя, Дѣво Богородице, Ангельстии чѣни, / и сла́вят патриарси со архиере́и / и свѣтѣи апостоли, / яко Матери Божии чѣстно слѣжат Тебѣ, / видяще Тя за мир молитву творящую / ко Спа́су всех, Христу́ Бо́гу. / Ему́же помоли́ся изба́вити град и лю́ди, / сла́влящия Тя ве́рно / и Твоего́ Покро́ва пра́здник чѣствующия.**

**Па́че Ааро́ня киво́та / всю Тя Бог освяти́ / Ду́хом, Богородице, Свѣтым, / и па́че со́лнечных луч / Твоѣм свѣтящимся омофо́ром / освещаети Цѣрковь и лю́ди / и тьму грехо́в на́ших отгоняеши, / избавляеши же от бед и скорбе́й / ве́рою чѣствующия Твоего́ честна́го Покро́ва пра́здник.**

**Слава, и ныне, глас 6:**

**Яко ви́де Тя пречу́дный Андрѣй на возду́се / со Арха́нгельским мно́жеством, / со апосто́лы, и проро́ки, / и мно́жеством му́чеников, / Сы́ну Твоему́ и Бо́гу на́шему о гра́де и лю́дех моля́щуюся, Влады́чице, / и честным Твоѣм Покро́вом покрыва́ющую, / не оскуде́й и ны́не, Пречѣ́стая, / спасти́ изрядное досто́яние Твоего́ Сы́на, / пречестный пра́здник Твой пра́зднующе, Многопе́тая.**

**Славословие великое. И отпу́ст.**

**На литургии: Блаженны от канона, песни 3-я и 6-я. Прокимен: Песнь Богородицы, глас 3: Вели́чит душа́ Моя́ Го́спода: Стих: Яко призре́ на смире́ние Рабы́ Свое́й: Апостол ко Евре́ем, зачало 320. Аллилу́ия, глас 8: Слы́ши, Дщи, и виждь: Стих: Лицу́ Твоему́ помоля́тся: Евангелие от Луки, зачало 54: Причастен: Чашу́ спасения:**



**В  
ТОЙЖЕ  
ДЕНЬ**

**Святаго апостола Анáнии, единаго от семидесяти**

**(служба ему в сей день поется вкупе со службами  
Покрову и преподобному Савве Вишерскому)**

**и**

**преподобнаго Рома́на Сладкопѣвца**

**(службу ему поем на повечерии или во ин день)**

**На Господи, возвах: стихиры апостола, глас 4.**

**Подобен: Зва́нный свѣще:**

**Иже зарю́ Божѣственную приѣм, / егда́ манове́нием лучшим ослепле́н, / прежде мра́ком держим,**

прииде к тебе Савл, / Божественнаго прося  
очищения, / тогда, всеблаженне, яко иерарх  
мудр / сынотвориши его Крещением, / потом хотя-  
щаго вселенную всю осынотвориши. / Тем с ним  
блажим тя, Христова апостола, Анание  
Богомудре, / молитесь спастися нам.

Научився Божественным преславно, / грома  
крепльше, блаженне, / вострубил еси Слово Бо-  
жие спасительное / и спящия во гробех суеты  
возбудил еси, / умерщвление отвергшия, мертвым  
сообитающее / и во аде держимыя  
возвращающее, / яже соделал еси Умертвившаго  
мертвость сосуды честны / Иисуса Владыки и  
Спаса душ наших.

Яко светоносец, яко Божественный  
проповедник, / яко свидетель Богоизбранный  
Страстей Христовых / и будущия явитися неизре-  
ченныя славы / наследник же и причастник,  
сый со Владыкою, / и наслаждаяся истекающего  
всегда светолития, / от незаходямаго Света,  
Богославолюбиве, / светлый совершающия твой ны-  
не праздник, / молитвами твоими от мрачных бед,  
Анание, избави.

Ины стихиры Романа, глас 1.

Подобен: Небесных чинов:

Краснопеснивая цевница Божественнаго  
Духа, / славий и щур Божественных песней, /  
свирель церковная / всем нам своя предлагает  
сладкопесненная учреждения / и теми веселит  
Богомудрыя.

Светлейший светильник и прозрнейший, /  
сладковещанная гусль, / струна благознаменитых  
Духа словес / поет ясно, научая концы / немол-  
чными песнями славословити Божества едину  
зарю.

Ты, Владыце всех яко предстою / и дерзнове-  
ние, отче, к Нему стяжав, / нам, совершающим  
память твою и светлое твое торжество, / моли  
избавитися бед и напастей, / Романе Богобла-  
женне.

Слава, апостола, глас тойже. Византиево:

Сосуд избранный, великое приятелище Духа, /  
Павла апостола просветил еси, преподобне, / Бо-



гом по откровению навѣкъ, / яко самовѣдец Слѡва  
и тайнник чудес Его, / апостол же прежде  
учеников / и верный строитель Новаго Завета, /  
тем подражая Учителя Христа, / твою кровь про-  
лилъ еси, / мученическою страстию исповѣдник  
быв, Ананіе, / священноначальниче Христовъ, / и  
теченіе совершивъ, веру же некрадому соблюдъ, / с  
Вышними служители в Высочайших  
водворяясь, / моли спастися душам нашим.

И ныне, Богородичен или Крестобогородичен.

Подобен: Прехвальные мученицы:

При Кресте предстоящи Сына Твоего и Бога /  
и долготерпение Его смотряючи, / глагола еси,  
рыдаючи, Мати Чистая: / увы Мне, Чадо  
Сладчайшее, / что сия страждеша несправедно,  
Слѡве Божий, / да спасеши человечество.

Стиховна Октоиха: и апостола стих, глас 4, с припевом: Во  
всю землю изыде вещание их, / и в концы вселенныя  
глаголы их.

Страстотерпческое приятелище, явился еси,  
Ананіе апостоле, / камением, яко цветы,  
учащаемъ, / за Пострадавшаго плотию нас ради  
распятие вольне / кровь твою пролилъ еси. / Тем  
и Дамаск хвалится священным твоим торжеством  
днесь. / Не точно же той, но и вся  
подсолнечная, / чудес твоих знаменія яже пропо-  
ведаящи, вопіет: / молися к Богу даровати нам  
согрешений прощение.

Слава, преподобнаго, глас 6:

Первое добрых начало / явился еси спасения  
вина, Романе, отче наш; / Ангельское бо составив  
песнопение, / Боголепно показал еси житие  
твое; / Христа Бога моли / напастей и бед избави-  
ти поющая тя.

И ныне, Богородичен или Крестобогородичен.

Подобен: Трдневен:

Видящи Тя распинаема, Христе, / Тебе  
Рождающая вопияше: / что странное еже вижу  
тайнство, Сыне Мой? / како на Древе умираеши, /  
плотию повешен, / жизни Подателю?

Тропарь апостола, глас 3:

Апостоле святыи Ананіе, / моли Милостиваго  
Бога / да прегрешений оставление / подаст душам  
нашим.

**Слава, преподобнаго, глас 8:**

**В** тебе, отче, известно спасёся еже по образу:/ приим бо крест, последовал еси Христу/ и, действуя, учил еси презирати убо плоть, преходит бо,/ прилежати же о души вещи бессмертней./ Темже и со Ангелы срадуется, преподобне Романе, дух твой.

**И ныне, Богородичен или Крестобогородичен.**

**НА УТРЕНИ**

**Канон апостола, на 4, егоже краегранесие: Анании слава да прославится. Творение Иоанна монаха. Глас 8.**

**Песнь 1**

**Ирмос:** Воду прошед, яко сушу,/ и египетскаго зла избежав,/ Израильтянин вопияше:/ Избавителю и Богу нашему поим.

**Отверзем уста похвальная,/ уясним язык в памяти, вси вернии, началопастыря Анании/ и с ним Богу нашему воспоем.**

**Жениху Пречистому/ невестоводит нескверную Невесту Анания преславный,/ Христу сущую zde Церковь,/ с неюже ясно Богу нашему воспоем.**

**Первый был еси ученик,/ новому даеши прозрение ученику, древле гонителю, Анание, и песнопоеши:/ воспоем Богу нашему.**

**Богородичен:**

**Чини Тя Ангельстии и земных роди, Безвестная Мати, непрестанно хвалят:/ Зиждителя бо их, якоже Младенца, на объятиих Твоих носила еси.**

**Ин канон преподобнаго Романа, глас 6  
(правится в иной день или на повечерии).**

**Песнь 1**

**Ирмос:** Яко по суху пешествовав Израиль,/ по бедне стопами,/ гонителя фараона/ видя потопляема,/ Богу победную песнь/ поим, вопияше.

**Светосиянныя лучи от Небес нам низпосли/ молитвами твоими, мудре Романе Божественне,/ твою похвалити священную память песньми.**

**От юности весь ты Христу ты самого предложив,/ последовал еси Ему,/ светозарными сияньми ум с Небесе, Романе, облиставая.**

**У**крашен добротою Вседетельнаго и Святаго Духа, / яко звезда светосиянная, / добродетелей светлостию, мудре, явился еси, Романе, мира концем.

**Богородичен:**

**И**з Тебе пройде неизреченно Божие Слово Собезначальное в последняя времена, / и перваго человека Адама, во тлю падшаго, Богородице, воспасе.

### Песнь 3

**Ирмос:** Ты еси утверждение / притекающих к Тебе, Господи, / Ты еси свет омраченных, / и поет Тя дух мой.

**П**овелению последуя Учителя твоего, / был еси архиерей, страстотерпческое же приношение, апостоле.

**М**илостива молитвами твоими Богоуветливymi содейай Избавителя / тебе поющим, Анание апостоле.

**В**се тебе связав зверя стремление, Господь явився, / светом неизреченным омрачив лице.

**Богородичен:**

**Т**я вси стяжанием, прибежище и стену нашу, христиане, / и Тя славословим немолчно, Безвестная.

### Ин

**Ирмос:** Несть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени / исповедания Твоего.

**У**м твой, Романе мудре, бысть обителище Троицы Святыя, / исполняемь благочестно знания истиннаго, источая Божественная проповедания.

**С**труй искипé течений честный твой язык, поя Божественная / и уясняя мудростно Христово к нам от Девы Рождество неизреченное.

**С**е питаеши обильно мудрыми ученьми и красными песнопения помыслы наша / и исполняеши сладости Божественнейшия, Романе Богогласе.

**Богородичен:**

**В**сех еси воинств вышши, Дево, / тех бо Содетеля, Сына Божия, зачала еси во утробе / и, рождши, пребываеши Приснодева.

Кондак преподобнаго, глас 8:

**Божественными добродетельми духа / измлада украсився, Романе премудре, / Церкви Христове пречестное украшение был еси: / пением бо прекрасным украсив ю, блаженне. / Тем молим тя: подаждь желающим Божественнаго дарования твоего, / яко да вопием ти: / радуйся, отче преблаженне, красотó церковная.**

Седáлен, апостола, глас тойже.

Подобен: Премудрости:

**Просвещен познанием Божественным священник же, и мученик Иисусов, и Божественный апостол, Анание, был еси. / И иногда гонителя Савла нарицаема, ослеплена мановением вышним, славне, / в воде погрузив, Богосодетельным научением лучша его показал еси, просветителя душам нашим. / Сего ради вопием ти: / моли Христа Бога грехов оставление даровати чествующим любовию святую память твою.**

Слава, преподобнаго, глас 5.

Подобен: Собезначальное Слово:

**Насажден, якоже древо, отче блаженне, при исходящих вод постнических, / Божественным содействием плоды болезней твоих во время явственно Саодделателю и Творцу отдал еси. / Сего ради святую твою поем память, чествующе тя, Романе преподобне.**

И ныне, Богородичен:

**В Тебе таинство трепетное совершается, Девице, / Сущаго Бога Слова от Отца в ложеснах зачала еси, / и раждаеши паче естества Человека совершенна.**

Крестобогородичен:

**На Кресте зрящи Тя, Христé, Мати Твоя вольно посреде разбойников висяща, / растерзающихся утробю, матерски глаголаше: / Безгрешный Сыне, како неправедно на Кресте, якоже злодей, пригвожден еси, / человеческий род хотя оживити, яко Благоутробен?**

Песнь 4

**Ирмос: Услышах, Господи, / смотрения Твоего таинство, / разумех дела Твоя / и прославих Твое Божество.**

**Тобою, Христе, наказуем, страдальчески побеждает смерть Ананія приснопамятный, / от Тебе почести восприимая.**

**Ученик был еси гонимаго Слова, приснопамятне Ананіе, / и учитель Богочестія гонящему.**

**Яви ты Господь Савлу безочесну крьющаяся, / и покажя ты ходатая, Ананіе, того исцеления.**

**Богородичен:**

**Бога, Егоже родила еси, Пречистая Дѣво, / Того моли от всякаго обстоянія избавити вся поющія Тя.**

**Ин**

**Ирмос: Христос моя сила, / Бог и Господь, / честная Церковь / Боголепно поет, взываючи, / от смьсла чьста о Господе прзднующи.**

**Приятилице был еси Божественнаго Духа и огнедохновенная уста, / возглашающая Божественная песнопения и наслаждающая души, Романе, притекающих ти.**

**Яко цевница ты был еси Небесная и гусли, / всякую к себе влекущи мысль повестью твоими и красными твоими песнопениями.**

**Благодать дхне и вселися в светоносную твою душу, / Вседетельнаго и Пресвятаго Духа, прехвальне, / и ты прятилице и мудра Боговещателя содела.**

**Богородичен:**

**Яд излия в праматерния убо слухи змий, / но Ты, Чистая, сего истрясла еси, Архангеловым гласом зачєнши и рождши Христа.**

**Песнь 5**

**Ирмос: Вскую мя отринул еси / от лица Твоего, Свете незаходимый, / и покрыла мя есть чуждая тьма, окайнаго; / но обрати мя и к свету заповедей Твоих / пути моя направи, молюся.**

**В буре сущим пристанище Божественное приснотекущий Источник покажя ты; / во тьме же сущим зарю неприступный Свет содела ты, Ананіе блаженне, / и яко ученика достоявленна, милостивно в тебе Воспочиваяй.**

**Видяй сокровенная и прежде бытия Ведыя всяческая, / тебе, тающемуся, тающагося солнца**

яви, иногда гонителя, / не по мнозе времени, разоряемая от него Истины, апостола.

**Постижения** конец неизслѣдимый Твоего строения: / тем бо, Спасе, страшная изничтожися смерть. / Сего ради Ананія яко победитель и иерарх за Тя, радуяся, закаляется.

**Богородичен:**

**Матернее** дерзновение еже к Сыну Твоему имущи, Пречистая, / сроднаго промысления еже о нас не презри, молимся: / яко Тебе и Едину христиане ко Владыце очищение милостивно предлагаем.

**Ин**

**Ирмос:** Божиим светом Твоим, Блаже, / утренюющих Ти души любовью озари, молюся, / Тя ведети, Слове Божий, / Истиннаго Бога, / от мрака греховнаго зывающа.

**Яко** благолепнейшо святилище, / сосуд яко чистейший, Утешителява благодать обрѣтши тя, Романе Богомудре, / храм содела, светом украшен, и вселися.

**Воплощеннаго** Сына Божия Рождшая истинно твою душу просвети / и ум Божественнаго знания исполни, в ноци представши тебе, Приснодева.

**Списанными** твоих священных словес, приснопамятне, явився всем войстинну сладчайший, / вся увеселяеши, всех просвещая ум и вся научая знанию спасительному.

**Богородичен:**

**Свет** рождшая, Отчее Слово Присносущное, Чистая, / свещательными молитвами Твоими просвети ум мой / и отжени тьму души моея, Пречистая Владычице.

**Песнь 6**

**Ирмос:** Очисти мя, Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

**Служити** навьк Богу Живу священнейше, / разрушил еси многочастное безумных злонравие, / Единому научая, Анание, поклонятися Триипостасному Божеству.

**Прием** в руке твои церковная кормила, / к Кормчию Христу пришел еси, апостоле, / и сию

Духом, яко корабль Божественный, Анание, управил еси.

**Созда́вший пра́вый путь, / правоше́ствующему посыла́ему быти сла́вному Твоему ученику пове́лел еси, Влады́ко, / пра́веднейшаго Твоего избра́ния сосуд открыва́я, моля́щаяся.**

**Богородичен:**

**Да изба́вимся от лю́тых прегрешений мо́льбами Твоими, Богороди́тельнице Чистая, / и да улу́чим, Пречистая, Божественное сия́ние из Тебе неизрече́нно Воплоще́ннаго Сына Божия.**

**Ин**

**Ирмос: Жите́йское мо́ре, / воздвиза́емое зря напáстей бу́рею, / к ти́хому приста́ницу Твоему прите́к, вопию Ти: / возведи́ от тли живо́т мой, / Многоми́лостиве.**

**Просвеще́ния исполня́емь и к высоте́ добродетелей Божественно возводи́мь, / небре́гл еси о всех земных: / и столп Небесный, и свети́льник благочестия был еси.**

**Плоти́ увяди́л еси желáния / и душу твою украси́л еси светле́йшими чистоты́ озаре́ньми, / и доброту́ рачи́тельную добродетелей благоле́пием обложи́л еси.**

**Возненави́дев привре́менное и сýетное, и гнилое, и те́чное наслажде́ние, / к храму Богороди́цы прилежа́, ум освяти́л еси, и душу, и тело, досто́славне.**

**Богородичен:**

**Вси предзря́ще проро́цы све́тло будущее́ по́слежди от Девы, Христе́ мой, / Твое́ на земли́ пренепоро́чное Рожде́ство, / я́вственно Богови́дцы провеща́ша.**

**Кондак апостола, глас 2.**

**Подобен: В мо́литвах:**

**В мо́литвах тепле́йший засту́пниче / и прося́щим скорей́ший послу́шателю, / приими́ моление, Анание, наше / и Христа моли поми́ловати ны, / Еди́наго во свя́тых Почивающаго.**

**Икос:**

**Просвеще́нием сия́ния Твоего просвети́в, Христе мой, мрак моего се́рдца и слепоту́, / даждь ми слово похва́лити чистым смы́слом апостола Богоза́рныя добродетели и стра́сти блаженнаго: /**

Источник бо Ты еси мудрости и Податель благих, Многоблагоутробне./ Тем, уяснив язык мой, песненное прими похваление, Еди́не во святых почивая́й.

### Песнь 7

**Ирмос:** От Иудеи дошедше, отроцы/ в Вавилоне иногда/ верою Тройческою пламень пещный попраша, поюще:/ отцев Бо́же, благословен еси.

**Да** вострубит мудро́нно Богоизбранное стадо благогласною трубо́ю страдания пастыря Анании,/ вопия своему Началопастырю Христу:/ отцев наших Бо́же, благословен еси.

**Да** славит тя, ученика Божия, Анание, и иерарха верна,/ и свидетеля Божественных страдания,/ возглашаючи, честная Церковь Христова:/ отцев наших Бо́же, благословен еси.

**Не** смерти боязнию, но любовь па́стывы скрываясь,/ волка, якоже агнца, зря укротившася, Анания зовяше:/ отцев наших Бо́же, благословен еси.

**Богородичен:**

**От** девственных ложесн воплощся, явился еси, Христэ, на спасение наше./ Темже Твою Матерь ведяще Богородицу, православно зовем:/ отцев наших Бо́же, благословен еси.

### Ин

**Ирмос:** Отроцы в Вавилоне/ пещнаго пламене не убояшася,/ но посреде пламене ввержени, орошаеми, пояху:/ благословен еси, Господи, Бо́же отец наших.

**Богородицу Марию Богомудра** имел еси Учителя,/ вразумляющую тя, и научающую, и пети повелевающую:/ благословен еси, Господи, Бо́же отец наших.

**Воссиял** еси в мире, яко светлейшее солнце, Романе Богомудре,/ и светло просвещая верою зовущия:/ благословен еси, Господи, Бо́же отец наших.

**Твоих** глагол вещание вселенную исполни/ и красно песнопети Христу человеки научи:/ благословен еси, Господи, Бо́же отец наших.

**Богородичен:**

**Ныне** блажат Тя вси роды человечести, Богородице Чистая,/ якоже прорекла еси,/ и верою



славят:/ благословен, Пречистая, Плод чрева Твоего.

**Песнь 8.**

**Ирмос:** Седмерицею пещь/ халдэйский мучитель,/ Богочестивым нейстовно разжжé,/ сілою же лúчшею спасены сия вíдев,/ Творцú и Избáвителью вопіяше:/ óтроцы, благословите,/ священницы, воспóйте,/ лúдие, превозносите во вся веки.

**Странно слýшати, мнýше Анáния славный, / от восхитительныя губителя стада Твоего силы, Влады́ко,/ паче слóва пременение к пáстырскому чину./ Тем играя, вопіяше:/ óтроцы, благословите, священницы, воспóйте, лúдие, превозносите во вся веки.**

**Да радуется днесь и да играет дúхом всеславный и блаженный град твой, /твоего благополучив заступления, слáвне,/ и, благодаря Спáса, да вопиёт:/ óтроцы, благословите, священницы, воспóйте, лúдие, превозносите во вся веки.**

**Животворящим повелением, Анáние пречестне,/ светотворивую Вíденнаго силу Савлу проповéдал еси/ и отразил еси ослепление, врачевственныя твоя возложив длáни,/ стрéлы зми́ныя истóргл еси, яко чешу́й, вопія:/ превозносите Христа во веки.**

**Трои́чен:**

**Трисвётлое Божество, Единственную сияющую Зарю,/ от Единого Триипостáснаго Естества, Родителя Безначáльна,/ Единоестественно же Слово Óтчее и сцáрствующаго Единосúснаго Духа,/ óтроцы, благословите, священницы, воспóйте,/ лúдие, превозносите во вся веки.**

**Богородичен:**

**В нýждах спасающая и тёпле предстáтельствующая/ всем сýщим в печáли, Всесвятая Владычице,/ умилосёрдися, спаси́ мя и лóте пáдша воздвигни,/ рúку пóмощи прежде конца подаючи, да не но́щь мя смёртная обýмет спяща;/ да Тя по дóлгу слáвлю во веки.**

**Ин**

**Ирмос:** За закóны отéческа/ блаженнии в Вавилóне юноши, предбédствующе,/ царюющаго оплевáша повеление безúмное,/ и, совокуплени, имже не свари́шася

огнём,/ Державствующему достойную воспеваху песнь:/ Господа пойте дела/ и превозносите во вся веки.

**В**сю міра красоту, и сладость, и славу оттряс,/ душу твою вперил еси к Вышним ликом, к тамошним славам и светлостям, мудре,/ к добротам неизреченным, к пребыванием тамошним, к свету Богочаля, зовя:/ Тя превозносим, Христэ, во веки.

**Б**ожественным желанием распалюемь,/ восхождения положил еси в сердце твоём и безплотное во плоти житие стяжал еси./ Ангельским чином подобяся, мудре,/ тамо сущая возлюбил еси в мире песнопения, верою, Романе, зывая:/ Тя превозносим, Христе, во веки.

**В**ысоковещанием Божественных твоих и сладчайших словес, блаженнейше Романе,/ всяк помысл веселиши человек и услаждаеши, якоже некий питатель богатотворный,/ и просвещаеши светло и научаеши вопити:/ Господа пойте дела и превозносите во вся веки.

**Богородичен:**

**Р**авнобожием прельстив мя, человекоубийца, змий лукавнейший,/ яко пленника, исхити сладости райския,/ но Владыка, естеством Сын Божий, воплощся, прииде от Девы Марии, и взят мя на высоту, обожив:/ Егоже превозносим во вся веки.

### Песнь 9

**Ирмос:** Тя, Неискусобрачную Матерь Бога Вышняго,/ Тя, паче ума рождшую словом воистину Бога,/ вышшую Пречистых сил,/ немолчными славословлении величаем.

**Разрушил** еси, всехвальне, тьму неведения;/ Свет же истинный возсиял еси Дамаску Триипостасный:/ но яко чадолюбивый отец и любовный пастыреначальник в Православней вере того сохрани.

**С**ие летное совершающе торжество,/ приидите светозарно сияюще душевным достоинством:/ Троицы служителя же и проповедника Анании трисианную добродетель воспойм.

**О** паче человека достоинства твоего, блаженне Анание,/ яко ученик бо возлюблен был еси, яко пастырь почил еси,/ и яко страдалец Христу

спросла́вился еси, венцы́ мученически украша́ем.

**Богородичен:**

**Пречистая, Всенепорочная, сосúde благо-  
вония, / испроси́ у Христа, Егоже родила́ еси, /  
дарова́ти во́инству нашему на враги́ победу  
и от рабо́тнаго ига да́ти осла́бу лю́дем Твоим: / Тя  
бо непрестанно велича́ем.**

**Ин**

**Ирмос: Безсе́меннаго за́чатия / рождество́ не-  
ска́занное, / Ма́тере Безму́жнныя нетле́нен Плод: / Бо́жие  
бо рождéние обновля́ет естества́. / Темже Тя вси роди́, /  
яко Богоневéстную Ма́терь, / правосла́вно велича́ем.**

**Го́рнейшим, сла́вне, ликом совокупи́лся еси  
безплóтным, / иде́же неизрече́нная пребывает ра-  
дость и всегда́шнее наслажде́ние, / иде́же о́ный  
Богонача́лия свет есть и весéлие, / иде́же неизгла-  
го́ланная слава, блаженнейше.**

**С праведными внутрь Божественныя славы  
вселився, зриши красоту́ неизрече́нную о́ную, /  
зриши сладость неконча́емую, зриши добрóты  
Небесныя, истинно желанныя, му́дре, / видиши  
патриархов ли́ки, Рома́не славне.**

**Твою светонóсную память верно соверша́-  
ющая / от бед изба́ви молитвами твоими,  
Богому́дре, / и от всякаго вре́да, Рома́не, и ско́рби  
чужда́го / и Небесныя славы получи́ти сподоби и  
Царствия Го́рняго, блаженнейше.**

**Богородичен:**

**От древняго паде́ния человеческий род пер-  
возда́ннаго бысть тле́нен, Дево Богородице, / и  
порабо́щен страстьми́ грехо́вными, / но из Тебе  
рожде́йся Преблагий Бог Своим благоутро́бием  
то́го воззва́.**

**Светилен Октоиха. Слава, апостола.**

**Подобен: Жены́, услышите:**

**Дамаск, апо́столе, ныне о тебе хва́лится, / ему́-  
же упространи́л еси крепость мучéнием,  
Ана́ние, / учитель быв Христа гоня́щему, яко  
ученик нарóчит Христа гонима́го, / к Немуже о  
нас моли́ся.**

**И ныне, Богородичен:**

**О тайнств Твоих, о чудес Твоих! / Како по  
рождестве́ Дева пребыла́ еси, якоже прежде**

рождества; / како Бога вместила еси, нигдеже  
Вмести́маго; / но воистину несказанна Твоя суть  
вся, Благословенная Дево Мати, Марие.

На стиховне Октоиха.

Слава, апостола, глас 8. Анатолиево:

Учени́че Спа́сов, иерарше сла́вне, / сла́во му-  
чеников, Ана́ние, / свети́льниче светле́йший, наш  
же градоде́ржче, / прилежно моли́ся изба́вити  
стадо твое от бед / и спасти́ души наша.

И ныне, Богородичен или Крестобогородичен.

Подобен: О преславнаго чудесе:

Тя ви́дящи пригвожда́ема на Кресте, Иисусе,  
и стра́сти прие́млюща во́лею, / Дева и Мати Твоя,  
Влады́ко, / увы Мне, вопи́яше, Чадо Сладкое, /  
раны непра́ведно ка́ко терпи́ши, / Врачу́, исцели́-  
вый челове́ческое неможе́ние / и от тли всех  
изба́вивый милосердием Твоим.

На Литургии: Блаженны гласа на 4 и апостола песнь 3,  
на 4. Прокимен апостола, глас 8: Во всю землю изыде  
вещание их: Стих: Небеса поведают славу Божию: Апостол  
Деяний, зачало 21, от полу. Аллилуия, глас 1: Исповедят  
Небеса чудеса Твоя, Господи. Стих: Бог прославляем в  
совете святых. Евангелие от Луки, зачало 51. Слушай вас:  
Причастен: Во всю землю:

В  
ТОЙЖЕ  
ДЕНЬ



## Преподобнаго отца нашего Саввы, иже над Вишерою рекою

(служба ему в сей день поется  
вкупе со службами Покрову и апостола Анании)

### НА ВЕЧЕРНИ

Блажен муж: На Господи, возвах: поставим стихов 6 и  
поем стихиры святого, глас 5.

Подобен: Преподобне отче:

Преподобне отче Савво, / любви́ю Божествен-  
ною разжигáемь, / оте́чество и род оста́вил еси / и  
в чужди́х страна́х пусты́ню дости́г, / и та́мо столп  
сзда́в, / и в нем до́бре подвиза́лся еси. / Те́мже и  
по преставле́нии твоём / благодать от Господа  
прия́л еси чудес. / Моли́ спасти́ся тя почита́-  
ющим.

**Преподобне отче Савво,** / любвѣ ради Учителя твоего / вся, яже на земли, преобидел еси / и в пустыню вселився, / плоти похотное мудрование умертвил еси / и постническими труды твое житие уяснил еси, / отонудуже и ученики собрав, ревнующия твоему житию, / и сия Христу привел еси, / Егоже моли спастися всем поющим тя.

**Иже неправедно разбойнически нашедших на обитель твою, преподобне,** / хотящих оскорбити ученики твоя, / от столпа яко увидев, токмо жезла ударением устрасил еси: / они же, яко познавше свое безчеловечное суровство, / с стыдом к бегству устремившася. / Христу молися, спастися душам нашим.

Слава, глас 6:

**В чуждых странах водворився, преподобне,** / и в пустыню безмолвия вшед, / и тамо столп создал еси, / в немже Небесное богатство стяжал еси: / слезами постясь убо сеял еси, / радостию же пожинаеши трудов твоих плоды. / Тем обитель, юже труды твоими стяжал еси, со ученики / не остави, но милостивно посещай, / и Христу, отче Савво, молися спастися душам нашим.

**И ныне, Богородичен: Кто Тебе не ублажит:**

**Вход, прокимен дне и, аще престол, чтения 3 преподобническая (зри страницы 791—792).**

**На стиховне стихиры преподобнаго, глас 2.**

**Подобен: Доме Евфрафов:**

**Яко преходящую жизнь, юже на земли презрел еси, блаженне:** / и тамо сподобился еси улучшить жизнь блаженную / и Божия сияния приемлещи, Богоносе.

**Стих: Честна пред Господем / смерть преподобных Его.**

**Любвѣ ради Христовы, преподобне Савво,** / плоти рачительное умертвил еси мудрование / и от страстей душу свободну Богу представил еси.

**Стих: Блажен муж, бойся Господа,** / в заповедех Его восхощет зело.

**Бодренными молитвами и слезными источниками / Церковь верных / обогатил еси, Богоблаженне.**

Слава, глас 2:

**В** столп яко вшел еси, преподобне, / и оттуду добродетели ради к Небесному граду прешел еси: / достигл праведных покоя и святых радования. / Темже с ними прилежно, Савво, молися / о иже верою жизнь твою почитающих / и честное твое усение славящих, / всякаго сопротивнаго обстояния избавитися священному твоему стаду, / да сего ради ты вси верно почитаем.

И ныне, Богородичен.

Тропарь, глас 4:

**От** юности твоея весь Богу поработился еси, блаженне, / и Того ради любви отечество и род оставил еси, / в пустыню вселився / и в ней жестокое житие показав, / чудес дарования от Господа приял еси, / Савво преподобне, / моли Христа Бога спастися душам нашим.

#### НА УТРЕНИ

На Бог Господь: тропарь дважды. Слава, и ныне, Богородичен: Еже от века утаенное:

По 1-й кафизме седален, глас 4.

Подобен: Удивися Иосиф:

**Удивися**, преподобне Савво, / во всем мире, Богоносе, житие твое, / яко от утробы матери избран еси Богом. / Тем ныне со Ангелы ликуети в Небесных. / Поминай нас, творящих память твою, / Савво преподобне.

Слава, и ныне, Богородичен:

**Обновила** еси, Чистая, / Божественным Рождеством Твоим / истлевшее во страстях земнородных мертвенное существо, / и воздвигла еси вся от смерти к животу нетления. / Темже Ты по долгу блажим вси, Дево Препрославленная, / якоже прорекла еси.

По 2-м стихословии седален, глас 5.

Подобен: Собезначальное Слово:

**Постника** Господня песнями почтим, / яко умертвивша вся прилоги страстей воздержанием твердым / и крепким терпением воистинну / и посрамивша зело сопротивнаго всю гордыню, / и ныне молящаяся Господеви / помилватися душам нашим.

Слава, и ныне, Богородичен:

Страшно чѹдо зачатїа, / и несказанен образ  
рождества в Тебе познася, Чистая Приснодево. /  
Ужасает ми ум и удивляет помышления: / слава  
Твоя, Богородице, всем прострѣся на спасение  
душам нашим.

По полиелеи седален, глас 1.

Подобен: Гроб Твой, Спасе:

Погрѣбл еси страстей все востание умерщвлѣ-  
нием плоти, священный отче, / жизнь безконеч-  
ную по смерти приял еси. / Темже днесь Христова  
Церковь празднует / твою досточѹдную память, /  
преподобных украшение.

Слава, и ныне, Богородичен:

Настави ны на путь покаяния, / уклоняющи-  
я всегда ко злым безпутьем и преблагаго Бога  
прогневающия, / Неискусобрачная Благословен-  
ная Марїе, / прибежище отчаянных человек, /  
Божие селение.

Степенна, прокимен: Всякое дыхание: Евангелие препо-  
добническое.

По 50-м псалме стихира, глас 6:

Преподобне отче, / во всю зѣмлю изыде веща-  
ние исправлений твоих: / темже на Небесех обрѣл  
еси мзду трудов твоих, / дѣмонская разорил еси  
пѹлчища / и Ангельския достигл еси чїны, / ихже  
житию без порока поревновал еси, / дерзновение  
имея ко Господу, / мир испроси душам нашим.

Канон преподобнаго Саввы, глас 4.

Творение священномонаха Пахомия.

Песнь 1

Ирмос: Отверзу уста моя, / и наполнятся Духа, / и слово  
отрыгну Царице Матери, / и явлюся светло торжествуя, /  
и воспою, радуясь, Той чудеса.

Смирился еси Христа ради, отче, и крест  
взем, / от отечества и сродников, яко от змїя,  
бегал еси: / отнюдуже в пустыню вшел / и в ней  
трудолѹбно подвизался еси, преподобне.

От юности твоя, отче Савво, ум к Богу  
вперив, / и тлѣнными нетлѣнная, яко добрый  
купѣц, купил еси: / темже ныне спѣдшеса, / па-  
мять твою почитаем.

**Христовым** рачением, отче Савво, паче огня распалаемь, / настоящая яко ничтоже сущая презрел еси: / и сего ради в покоища вселился еси, / идеже праведных души веселятся.

**Богородичен:**

**Боляща** исцели душею и телом, Владычице, раба Твоего, / блаженнаго Саввы молением: / Тебе бо Предстательницу вси сущии в печалех стяжанием, яко Рождшую Спасение наше.

**Катавасия:** Отверзу уста моя:

**Песнь 3**

**Ирмос:** Твоя песнословцы, Богородице, / живый и независный источник, / лик себе совокупльшия, духовно утверди / в Божественней Твоей славе, / венцев славы сподоби.

**Сна** твоим очесем не дал еси, блаженне Савво, / ни веждом дремания, дондеже сподобился еси праведных селения, / яже уготова Бог, преподобне, любящим Его.

**Бодренными** твоими молитвами, отче Савво, и жестоким воздержанием / Богу на земли добре угодил еси: / сего ради страшен врагом / и славен человеком был еси.

**Райскую** жизнь и тамо святых селение / всегда во уме твоём поминал еси, преподобне. / Темже во слезах и воздыханиях всю твою жизнь, отче Савво, прешел еси. / Сего ради и по смерти Христос чудесы ты прослави.

**Богородичен:**

**Источаеши** исцелений струи болящим, Дево, всюду: / Ты бо источник показа милосердия, Владычице, / Иже милости источник, / из Тебе рождейся паче ума.

**По 3-й песни седален, глас 4.**

**Подобен:** Вознесыйся:

**Юность** твою, преподобне, воздержанием увядил еси, / страсти телесныя, яко пленника худа, связав, / духу повинул еси: / и сего ради, отче Савво, / Христос чудесы преславно тебе венчает, / Един прославляяй святых Своя.

**Слава, и ныне, Богородичен:**

**Умертвися** вся крепость моя от множества безмерных моих зол, / и, многими скорбями одер-



жѣмъ, уже отчаяхся:/ но помози ми, Владычице,  
Саввы блаженнаго предстательством,/ яко Ра-  
дость рождающая плачущим и утешение.

**Песнь 4**

**Ирмос:** Седяй в славе на Престоле Божества/ во  
облаче легце/ прииде Иисус Пребожественный,/ нетлен-  
ною дланию, и спасе зовущия:/ слава, Христѣ, силе  
Твоей.

**Житіе** твое, отче Савво,/ чудно на земли  
показал еси,/ велико пощение и смирение:/ и  
сего ради тамошняго житія величество наследил  
еси./ Моли спастися от бед поющим тя.

**Симео́на** великаго, на столпе жившаго,/ жи-  
тию послѣдуя, преподобне,/ темже тому елико  
мощно именованіе от житія стяжал еси,/ Савво  
пребогате.

**Постом** и молитвами тело твое, отче Савво,  
изнурил еси/ и сего ради сподобился еси видети  
неизреченная благая,/ яже святым уготована./ С  
нимиже, отче Савво, о нас молися.

**Богородичен:**

**Кров,** и заступленіе, и прибежище буди ми,  
Деве, рабу Твоему,/ исцели мя от безмерных зол,/  
еже мощи воспевати, Пречистая:/ слава Рожде-  
ству Твоему.

**Песнь 5**

**Ирмос:** Ужасошася всяческая/ о Божественней славе  
Твоей,/ Ты бо, Неискусобрачная Деве,/ имела еси во  
утробе над всеми Бога,/ и родила еси Безлетнаго Сына,/  
всем, воспеваящим Тя,/ мир подающая.

**Чисто** житіе твое/ от юности потщался еси,  
преподобне, сохранить:/ темже, чистоту твою  
видев, Пресвятый Дух/ в тя вселися.

**Яко** преобидев тленная, вечная, отче, сподобился  
еси прияти/ по неложному словеси: просите  
и приимете./ Темже яко просил еси,/ сия по  
достоинству приял еси.

**Место,** еже сподобился прияти честныя мощи  
твоя, преподобне, освятися/ и по многим странам  
прославляемо есть,/ яко в себе мощи твоя  
имущее.

**Богородичен:**

**Не** престай молящи, Егоже родила еси,

Богоневѣсто, / яко Спаса и Владыку, / разрешѣние ми подати скорбей и болѣзней облегчѣние, / яко да прииму прощение, песнослова Тя во веки.

**Песнь 6**

**Ирмос:** Божественное сие и всечестное / совершающе празднество, / Богомудрии, Богоматере, / приидите, руками восплещим, / от Нея рождагося Бога славим.

**Твое великое житие и чистоту, / к сим же безмерное смирение провидев, / Пресвятый Дух, славна ты всем, отче, покажи. / Темже от сего жития ко одному прешед, / получил еси с праведными тамо веселие.**

**Днесь наставши священная память твоя, преподобне Савво, / веселит ученики твоя, / воспевающая любовь подвиги твоя, / иже, честное твое усение славяще, торжествуют, / яже молитвами твоими, отче, соблюди.**

**Разбойницы перее пришедше тебе оскорбити, преподобне, / но тех разумев лукавство, возвигнути тем древо рекл еси, / не могущим же многим тебе единому противитися. / Темже яко посрамлени прочее со страхом отбежаша, / паче побеждены бывше, нежели победилша.**

**Богородичен:**

**Твою помощь даждь ми / и избави мя от бед и скорбей / и прегрешений моих, / яже всех рождши Избавление.**

**Кондак, глас 8.**

**Подобен: Взбранной Воеводе:**

**Отчества, преподобне, удалився / и вселивися в пустыню, / и тамо на столп вшед, идеже жестокое житие показал еси, / и многих житием удивив, / отнюдуже дарование чудес от Христа приял еси, / поминай нас, чествующих память твою, да зовем ти: / радуйся, Савво, отче наш.**

**Икос:**

**Евангельский глас, отче, услышав, / вся оставил еси плотская мудрования, / богатство и славу в ничтоже вменив, / на страсти, яко безплотен, подвизался еси, / и Безплотных ликостояния чистотою сподобился еси, / и разума дарование от Бога приял еси, / еже подаждь в песнях поющему ти сице: / радуйся, Савво преподобне и Богонос-**

не, Небесный челове́че и земный Ангеле;/ радуйся, Духа Святаго прекрасное обителище;/ радуйся, Богоблаженне, вельми подвизався во временной жизни,/ по достойнью обогатился еси благодатию Духа,/ еяже дарование подаждь нам, чадом твоим, да зовем ти:/ радуйся, преподобне Савво, отче наш.

### Песнь 7

**Ирмос:** Не послужиша твари Богомудрии/ паче Создавшего,/ но огненное прещение мужески поправше,/ радовахуся, поюще:/ препетый отцев Господь и Бог благословен еси.

**Источает чудеса честная рака твоя, преподобне,/ преизобилующи благодатию,/ верою приходящим здравие дарует,/ Христу от души вопиющим:/ благословен Бог отцев наших.**

**Древним онем и великим отцем, в посты просиявшим,/ житием подобясь, преподобне,/ в пустыню вселился еси/ и тамо в пощениих многа лета пребыл еси,/ Савво, отче наш.**

**Яко истиннаго и кроткаго Пастыреначальника Христа/ незлобивое овча, отче Савво, был еси./ Темже незлобив хотящим тебе озлобити был еси,/ Христу вопиял еси:/ благословен Бог отцев наших.**

**Богородичен:**

**Обошрены болезни ранам моим от безмерных моих прегрешений, Владычице,/ ведут в смерть душевную и телесную:/ но исхити яко сильна всяких скорбей и недуг.**

### Песнь 8

**Ирмос:** Отроки благочестивыя в пещи/ Рождество Богородичо спасло есть,/ тогда убо образуемое,/ ныне же действующее,/ вселенную всю воздвизает пети Тебе:/ Господа пойте дела/ и превозносите Его во вся веки.

**Издётска, преподобне отче,/ потщался еси свою совесть и сердце с душею чисто Господу представить./ Тем и Христос чудесы тебе прославляет, Тому вопиющая:/ Господа воспевайте дела/ и превозносите Его во веки.**

**Ныне пустыня веселием красуется, отче,/ имущи мощи твоя в себе, Савво преподобне./ Ученицы же твои, твоему житию ревнующе,/ о твоей памяти радуящися, Творцу вопиют:/ Господа**

воспевайте дела / и превозносите Его во веки.

**В** пустыни, преподобне, идеже селение имел еси, / тамо пречестен храм в славу Христа воздвигл еси, / в нем прославлятися пречистому Того Имени, и всем вопити: / Господа воспевайте дела / и превозносите Его во веки.

**Богородичен:**

**Светильниче** Света Трисолнечнаго сущи, / зарю благоутробия Твоего тьму отыми прегрешений моих, Богородительнице, / избавление нужных болезней подающи, / верою превозносящему пречистое Твое Рождество.

**Песнь 9**

**Ирмос:** Всяк земнородный / да възграется, Духом просвещаемь, / да торжествует же Безплотных умов естество, / почитающее священное торжество Богоматере, / и да вопиет: / радуйся, Всеблаженная / Богородице, Чистая Приснодево.

**От** пустыннаго жития к премирней и вечней жизни, яко прешед, блаженне, / не претай моля Избавителя от различных напастей и бед избавити / любовь честное твое успение ныне песнями славящия.

**Певцев** искренною любовью поющих / и верою тебе пение хваления приносящих, треблаженне Савво, / от всяких бед и скорбей избавляй, да ты вси величаем.

**От** рук недостойных малое сие песней хваление приносящаго тебе, прими, блаженне Савво: / не бо возможох противу твоего величества украсить: / но малое сие яко велико прими, / да тебе всегда в песнях величаю.

**Богородичен:**

**Пение** с песнию и хваление исплетеное от болезненных душ приношу с любовью, Тебе, / Родшей Христа, Естеством Бога, / еже благоприятно приими, прошения наша, Богородице, исполни / и молитвами Твоими мя соблюди.

**Светилен. Подобен: Женѣ, услышите:**

**Процвел** еси, яко финикс, Давидски, отче, / и обитель явился еси Духа Пресвятаго, / Иже слава на ты вселенней показа. / Того о нас непрестанно моли, / почитающих верою пречестную память твою, преподобне Савво.

Слава, и ныне, Богородичен:

Тя пѣсньми немѡлчными ублажаѣм, Дѣво, / яко Троицы Единого родила еси, Богородице, / и но́сиши на Божественную руку́ пребогатое Слово, / непременно и неизмѣнно.

На хвалитех стихиры преподобнаго на 4, глас 8.

Подобен: О преславнаго чудесе

Преподобне отче Савво, / ты и́го Христо́во на ра́мо взем, / до́блественне най́тие вра́жие попра́л еси. / Темже ты верою вси почитаѣм, / о преблаженне, мона́шествующих похвало́. / Темже Христа непреста́нно моли́ спасти ду́ши наша.

Верою соше́дшеся вси, / яко по́стника ты Христова почитаѣм, Савво: / ра́дуяся бо, шествовал еси в пусты́ни непрохо́дней, му́дре, / наставник был еси че́стен. / Темже Тебе мы верою взываем, блаженне: / по́стников похвало́, / о нас моли́ся ко Господу поми́ловатися душáм нашим.

Преподобне отче наш, / б́удущия ради жизни, на рецѣ, глаго́лемей Ви́шере, всели́лся еси, / ника́коже боя́ся невидимых врагов, / мно́гажды толца́ния творя́щих к тебе. / Ты же молитвами сия безвѣ́стны сотворя́л еси, / о терпеливый душею. / Темже ты верою вси чтим и ублажаѣм.

Слава, глас 8. Самогласен:

На Небо теку́щею возше́д колесни́цею, чу́дне, добродѣтели, / дости́гл еси кра́йнее жити́е. / Воздержáнием в пусты́ни живы́й, / смотря́я Вы́шняго Иерусали́ма красоту́, / и болѣзненных по́двигов достойно по́чести при́йм, / с Небесными ра́дуешися чиноначáлии, преблаженне, / вечных благ наслѣ́дник и Царствия житель быв. / Но моли́ся, преподобне Савво, Спа́су всех, / умири́ти мир и спасти́ ду́ши наша.

И ныне, Богородичен.

Таже, Славословие великое. И отпуст.

На Литургии служба преподобных.

**зри** Ведомо же буди и сие, яко аще случится праздник Покрова Пресвятыя Богородицы в день седмичный, кроме недели, и изволит кто пети купно с Покровом апостола Анании и преподобному Савве, да поет сиче:

На малой вечерни: Стихиры Покрова на 4, глас 1. Самогласны: Слава, и ныне, глас 6: Приидите, празднoлюбных собóри: На стиховне стихиры, глас 2. Подобен: Дóме Евфра-

**фов: Слава, и ныне, глас 3: Приидите, вси празднлюбцы: Тропарь Покрова, глас 4: Днесь благовернии людие: Таже, ектения малая и отпуст.**

**На велицей вечерни: Блажен муж: 1-й антифон. На Господи, воззвах: стихиры Покрова, на 4, и апостола 3, и преподобнаго Саввы 3: Слава, апостола: И ныне, Покрова, глас 8: Срадуются с нами: Вход. Прокимен дне. Чтения 3, Покрова: 1-е Бытия: Изыде Иаков: 2-е: Пророчества Иезекилева: Будет от дне осмаго: 3-е: Притчей: Премудрость созда Себе Дом: Ектении обычныя. На литии стихиры Покрова Богородицы, глас 3: Наста днесь: Слава, апостола: И ныне, Покрова Богородицы, глас 2-й: Смысл очистивше и ум: На стиховне, стихиры Богородицы, глас 2, самогласны: Яко всех вышши сущи: Слава, преподобнаго: и ныне, Покрова, глас 2-й: Яко венцем пресветлым: На благословении хлебов, тропарь Покрова, глас 4: Днесь благовернии людие: трижды. И Буди Имя Господне: трижды, с пением, и псалом 33: Благословлю Господа: И чтение.**

**На утрени: На Бог Господь: Тропарь Покрова Богородицы. Таже апостола: Слава, Саввы: И ныне, Покрова. И обычные кафизмы. По кафизмах седальны Покрова. И чтение. По полиелеи седален Покрова. И чтение. Степенна, 1-й антифон, 4-го гласа. Прокимен, глас 4: Помяну имя Твое: Стих: Лицу Твоему помолятся: Всякое дыхание. Евангелие от Луки, зачало 4: Псалом 50. Слава, Молитвами Богородицы: И ныне, тойже. Помилуй мя, Боже: По 50-м псалме стихира, глас 8: Срадуются с нами: Канон Покрова Богородицы со ирмосом на 6: и апостола на 4: и преподобнаго на 4. Катавасия: Отверзу уста моя: По 3-й песни кондак апостола и преподобнаго: и седален апостола: Слава, преподобнаго: И ныне, Покрова. И чтение. По 6-й песни кондак Покрова, глас 3: Дева днесь предстоит в церкви: и икос. И пролог. По 9-й песни светилен Покрова: Слава, апостола: И ныне, Покрова. На хвалитех, стихиры Покрова, на 4: Слава, апостола: И ныне, Покрова. Славословие великое. По Трисвятом, тропарь апостола: Слава, преподобнаго: И ныне, Покрова: Ектении. И отпуст. И час 1-й. На 1-м часе тропарь Покрова: Слава, апостола: И ныне, Богородичен часов. По Трисвятом кондак Покрова. И совершенный отпуст. Такжеде и на прочих часех, вначале глаголем тропарь Покрова: святых же тропари пременяем. Кондак же на всех часех глаголем Покрова.**

**На Литургии: Блаженны: от канона Покрова, песнь 3-я, на 4: и апостола 6-я, на 4. По входе тропарь Покрова, и апостола, и преподобнаго. Кондак апостола: Слава, преподобнаго: И ныне, Покрова. Прокимен, песнь Богородицы, глас 3: Величит душа Моя Господа: Стих: Яко призре на смирение Рабы Своея. И апостола, Во всю землю: Апостол Покрова, ко Евреем, зачало 320: Другой Деяний, зачало 21, от полу: Аллилуия, глас 8: Слыши, Дщи, и виждь. Стих: Лицу**

Твоему помóлятся: **И апостола: Исповéдят Небеса чудеса Твоя: Евангелие от Луки, зачало 54: И апостола, от Луки, зачало 51: Причастен: Чашу спасения: Другий, Во всю землю: Ряд, Апостол и Евангелие, вычитаем напреди.**

**зри** Подобаает ведати: Аще случится праздник Пресвятой Богородицы, Честнаго Ея Покрова, и святаго апостола Анании в неделю:

В субботу вечера, на малой вечерни, на **Господи, воззвах:** стихиры воскресны гласа, на 4: Слава, и ныне, Покрова. На стиховне стихира воскресна, 1-я. И Покрова стиховна великия вечерни, с припевы их: Слава, и ныне, Покрова, малой вечерни. По Трисвятом тропарь воскресен: Слава, и ныне, Покрова. Ектения малая. И отпúст.

На велицей вечерни, на **Господи, воззвах:** стихиры воскресны 3 и восточен 1, Анатолиев: и Покрова, 3: и апостола Анании, 3: Слава, Покрова: И ныне, Богородичен гласа. Чтения Покрова, 3. На литии стихиры Покрова. Слава, апостола: И ныне, Покрова. На стиховне стихиры воскресны: Слава, апостола: И ныне, Покрова. На благословении хлебов, тропарь Покрова, трижды.

**зри** Аще ли несть бдения, глаголем тропарь воскресен: Слава, апостола: И ныне, Покрова.

На утрени: На **Бог Господь:** тропарь воскресен, дважды. Слава, апостола: И ныне, Покрова. По кафизмах седальны воскресны, и Богородичны их. Таже полиелей: И тропари, **Ангельский собор:** Ипакои гласа, и седальны Покрова. Степенны и прокимен, гласа. Евангелие воскресно: и прочая. Канон воскресен на 4: и Покрова на 6: и апостола на 4. Катавасия: **Отверзу уста моя:** По 3-й песни кондак Покрова, и апостола, и седален апостола. Слава, и ныне, Покрова. По 6-й песни кондак воскресен. На 9-й песни поем, **Честнейшую:** Светилен воскресен. Слава, апостола: И ныне, Покрова. На хвалитех стихиры воскресны: 4, и Покрова, 3 подобны: и самогласен, иже на Славу, с припевы вечерними. Слава, стихира Евангельская: И ныне, **Преблагословенна еси:** Славословие великое. По Трисвятом тропарь воскресен. Ектении: И отпуст. И час 1-й. На 1-м часе, тропарь воскресен: Слава, Покрова: И ныне, Богородичен часов. По **Отче наш:** кондак Покрова: На 3-м часе, тропарь воскресен: Слава, апостола: И ныне, Богородичен часов. По **Отче наш:** кондак воскресен. Такожде и на прочих часах глаголем кондак воскресен, и Покрова, прменяюще.

На Литургии: Блаженны гласа, на 4: и Богородицы, песнь 3-я, на 4: и апостола, песнь 6-я, на 4. По входе тропарь воскресен, и Покрова, и апостола. Кондак воскресен: Слава, кондак апостола: И ныне, Покрова. Прокимен, Апостол, аллилуиа, Евангелие, и причастен, прежде воскресен: и потом Богородицы. Преподобнаго же Саввы Вишерскаго служба оставляется и поется на повечерии.

**зри** Типикон не предусматривает отправления службы двум бденным или полиелейным святым, и в нем нет уставной главы, которая излагала бы соединение таких служб. В старинных же русских монастырских обиходниках и в соборных чиновниках (местные уставы) встречается указание на соединение служб Пресвятой Богородице и полиелейному святому. Ниже приводится такое указание из Чиновника Новгородского Софийского собора XVI века, изданного проф. А. И. Голубцовым (служба Покрову Пресвятой Богородицы и преподобному Савве Вишерскому, который относился в Новгороде к полиелейным святым). Этим уставным указанием рекомендуется пользоваться и при соединении службы святителю Григорию Богослову и Божией Матери в честь Ее иконы «Утоли моя печали» (25 января); святителю Алексию, Московскому и всея России чудотворцу, и Божией Матери в честь Ее Иверской иконы (12 февраля) и в других подобных случаях:

На вечерне на **Господи воззвах**: стихиры на 8; Богородицы 4 и преподобнаго 4, Слава: святаго, И ныне: Богородицы. Вход, прокимен дня, чтения 2 Богородицы, а святаго едино. На литии стихиры Богородицы и святаго стиховные стихиры, Слава: святаго, И ныне: Богородицы. На стиховне стихиры Богородицы со стихи их, Слава: святаго, И ныне: Богородицы.

На утрени на **Бог Господь**: тропарь Богородицы (дважды), Слава: святаго, И ныне: Богородицы. По 1-й кафизме седален Богородицы, Слава и ныне: тойже. По 2-й кафизме седалны оба святаго, Слава и ныне: Богородицы. Величания два — Богородицы и святаго. По величании и ектении седален святаго и по степенне прокимен и Евангелие Богородицы. По 50-м псалме Слава: **Молитвами преподобнаго**: И ныне: **Молитвами Богородицы**: стихира Богородицы. Каноны Богородицы со ирмосом на 8 и святаго на 6. По 3-й песни кондак, икос и седален святаго. Слава и ныне: Богородицы. По 6-й песни кондак и икос Богородицы. На хвалитех стихиры на 6; Богородицы 3 и святаго 3, Слава: святаго: И ныне, Богородицы.

В данной уставной главе не указан порядок пения тропарей на благословении хлебов, а также после великого славословия, на часах и по входе, очевидно потому, что в этих случаях имеются в виду общие для всех праздников правила: а) тропарь Богородицы, который идет первым на **Бог Господь**: и поется дважды,— дважды поется и на благословении хлебов; в третий раз — тропарь святого; б) по великом славословии тропарь святого, Слава, и ныне: Богородицы (как заменяющий собою Богородичен); в) на всех часах тропарь Богородицы, Слава: святого, И ныне: Богородичен часа, кондаки же попеременно; г) по входе тропарь Богородицы и святого, Слава: кондак святого, И ныне: Богородицы.

(Богослужбные указания для священно-церковнослужителей на 1957 год. Издание Московской Патриархии, М., 1956, с. 30—31).



ЗРИ

**Ины величания  
Покрову Пресвятыя Богородицы:**

**Величаем Тя, / Пресвятая Дево, / Мати Христа, Бога нашего, / и всеславный славим Покров Твой.**

**Величаем Тя, / Пресвятая Дево, / Мати Христа, Бога нашего, / Иже к Сыну Свои руце простирающа, и о мире молящися, / и честным Своим омофором защищающа / град и люди от врагов наших.**

**ЗРИ** Сии ирмосы и припевы поются на Святой Афонской горе в праздник Покрова Пресвятыя Богородицы.

**Песнь 1**

**Ирмос:** Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою, радуяся, Той Покров честный.

**Песнь 3**

**Ирмос:** Твоя песнословцы, Богородице, / живой и независный Источниче, / лик себе совокупльшия духовно, утверди / и Святым Покровом Твоим славящия покрый.

**Песнь 4**

**Ирмос:** Седяй в славе на престоле Божества, / во облаце легце / прииде Иисус Пребожественный / нетленною Деву и спасе поюща / Покров Ея честный.

**Песнь 5**

**Ирмос:** Ужасошася всяческая / о Божественней славе Твоей, / Ты бо, неискусобрачная Дево, / во Влахернстем храме Твоём распростерла еси омофор Свой / и молящихся покрыла еси, / мир и спасение подавающа.

**Песнь 6**

**Ирмос:** Божественное сие и всечестное / совершающе празднество / Покрова Божия Матере, / приидите руками восплешим, / от Нея рождагося Бога славим.

**Ирмосы 7-й и 8-й песен обычнии.**

**Припевы на 9-й песни:**

**Ангели, Покров Пречистыя зряще, удивившася, / како покры в церкви молящися люди.**

**Ангели, окружающе Деву, удивившася, / како омофором во Влахёрне покры благоверныя люди.**

**Ангели, с лики святых предстояще Деве, удивившася, / како молящися с ними прилежно о мире.**

**Ангели Богородицу песньми величают, / како присно покрывает с верою к Ней прибегающих.**

**Ангели и вси святии Тя, Богомати, славословят, / како покрываеши от зол имя Твое призывающих.**

**Ангели и человецы Покров чтут Владычицы, / заступает бо всегда требующих Ея помощи.**

**С Небесными земнии Тя, Госпоже, воспеваем, / покрываеши бо от бед на Тя уповающих.**

**Величай, душе моя, / пречестный Покров Божия Матере.**

**Величай, душе моя, / Божественный Покров Богоблагодатныя Приснодевы.**

**Величай, душе моя, / державный Покров Преславныя Владычицы.**

**Величай, душе моя, / неборимый Покров Небесе и земли Царицы.**

**Величай, душе моя, / Покров святой Присноблаженныя Богоневесты.**

**Величай, душе моя, / Благословенную в женах, Пресвятая Троицы светоносное селение.**

**Величай, душе моя, / Честнейшую горних воинств Деву Пречистую Богородицу.**

**Ины:**

**Величай, душе моя, / честный Покров Девы Богородицы.**

**Величай, душе моя, / ко Христу Молебницу за мир, Богородицу Деву Марию.**

**Песнь 9**

**Ирмос: Всяк земнородный / да взыграется, Духом просвещаемь, / да торжествует же верных собрание, / почитающее Покров Божия Матере, / покрывающая вся Богомудрыя / и избавляющая от всякаго зла.**



**Празднование Пресвятѣй Богородице  
ради иконы Ея,  
именуемая Псково-Покровския**

**Тропарь, глас 4:**

**Днесь свѣтло красуется Богоспасаемый град  
Псков / и вся страна Россійская / пришествием  
Матери Бѣга Вѣшняго / на избавленіе града сего  
от варварскаго плененія /. Услыша плач и слѣзы  
раб Своих, / скоро приклонися на мольбу к Сыну  
Своему и Бѣгу нашему, / и моленіем Своим гнев  
Бѣжій укроти и весь мир просвети, / и град сей  
от скорби на радость перемени. / О, дѣвному  
знамению, / како Пресвятая Владычице прииде  
на воздухѣ в церковь Свою / и на забрало града  
Пскова / и призвѣ угѣдников своих, благоверных  
князей, / и поноси в людех беззаконіе. / И Своею  
пречистою рукою указоваше на поганого злаго  
варвара / и его совет на разрушеніе. / Возвесели-  
ся, Богоспасаемый граде Пскове / и все Правос-  
лавие, имѣюще такую Заступницу непобориму. /  
Днесь притецѣм, вернии, / в дом спасительный  
Владычицы Богородицы, / свѣтло празднуя, / и ко  
святѣму Ея образу со слезами припадѣм, вопи-  
юще и глаголюще: / О Всемилостивая Госпоже  
Владычице Богородице, / молися Сыну Своему  
Христу Бѣгу нашему / спасти православныя люди  
и град сей избавити от огненнаго запаленія / и  
от нахождения поганых и междоусѣбныя брани, /  
и спасти души наша яко Милосѣрдая.**

**Кондак, глас 8:**

**Заступнице христіан, Предстательнице граду  
нашему Пскову, / услыши молитву раб Своих,  
Владычице Богородице, / и скорым Своим пришес-  
твием светолучными зарями раб Своих  
возвесели / и торжествовати устрои, в беде и в  
сетованіи возвесели, / и завещѣ во граде молити  
Святую Троицу, / и Сама обещаея молити Ю. / О,  
преславному чудесе, / како Небесная Царице к**

земным прииде избавити рабы Свой погибающия./ О, дивному знамению,/ како вразумляюще рабы Свой, како бы умолити Святую Троицу./ О, Всемилостивая Владычице Богородице,/ аще не бы Ты предстояла, молящи за ны,/ кто бы нас избавил от толика беды,/ яко не имамы инья помощи и надежды, разве Тебе, Владычице,/ Твой бо рабы, да не погибнем,/ и потщися на умоление раб своих присно,/ Богородице, чтущих Тя.

**Икос:**

**Простри длани Свой, има же всех Владыку яко Младенца прият,/ за множество благи не остави нас всегда,/ бодреною Своею молитвою и неизчетною простынею ущедри нас / и подаждь душам милосердие Свое, во веки источающи./ Тебе бо имамы, грешнии, Заступницу от находящихся на ны бед и зол,/ но яко имущи милосердия щедроты,/ ускори на молитву и потщися на умоление,/ заступающи присно, Богородице, чтущих Тя.**

